



Chendell Beaumont ta retene corona di Tumba

ORANJESTAD - Den un Aruba Entertainment Center yen yen di ambiente. E festival aki a wor- do dedica na Federico Martes y Richard "Tattoo" Quant. Un sorpresa di nos hermano Ike Jesurum a pone ambiente cu e warm up song di e banda Zeta Band cu su cancion "Links Rechts"

Tur e Tumberonan a haci un cos den Entertainment Center y Sr. Otmar a pone ambiente total cu Punto di Ordo den e Festival aki Pa 1.45 am a saca e ganado absoluto di tumba 42 pa aña 2012 cu a keda den persona di Chendell Beaumont cu e tema titula "Den Historia" y compaña pa e popular agrupacion Rincon Boys. Na di dos luga ta haya Jeffrey Kelly cu "Chuchubi ta canta" sigui pa Richard "Tattoo" Quant na di tres luga cu "Basha pa mi bay", Chicho Kock cu e tema "Mi cartera ta fluit" na di cuater lugar y na di cinco luga Jerrino Ridderstap cu su tumba "Papiamento." Tambe a nombra e 'Tumba Loco' cu ta esun 'Punto di Ordo' di Don Otmar Oduber. Como Tumba Mas Popular a scoge esun di Rod- erick Franken mientras cu tambe a premia e Banda Miho Uniforma cu tabata Rincon Boys y e Cantante Miho Uniforma, esta Rich- ard "Tattoo" Quant. SAC y Comision di Tumba kier a gradici tur partici- pante, banda, hurado, PWC, MCnan Erin y Lyonel y na henter publico cu a bin apoya e tumberonan y e bandanan cu a haci di e Tumba Festival aki uno grandi y exito. □

